



四書人名考目錄

卷五

魯上

魯公

昭公

定公

哀公

孟子 孟之反

魯穆公

魯平公

卷六

魯下

四書人名考 卷之五

臧文仲

臧武仲

臧倉

季文子

季桓子

季康子

季子然

孟獻子

孟莊子

孟子綽

孟懿子

孟武伯

孟敬子

卞莊子

陽貨

公山弗擾

叔孫武叔

子服景伯

公輸子



子叔疑

公儀子

四書人倫考
卷之五

二

魯公

魯公周公之子伯禽封於魯

古論語訓

周公元子就封於魯次子留相王室代為周公其餘食

小國者六人凡蔣邢茅胙祭也

史記索隱

成王幼不能蒞胙周公相踐阼而治抗世子法於伯禽欲令成王之知父子君臣長幼之道也成王有過則撻伯禽所以示成王世子之道也

禮記文王世子

伯禽與康叔見周公三見而三答康叔有駭色謂伯禽曰有商子者賢人也與子見之乃見商子而問焉商子

國書人名考卷之五

曰南山之陽有木焉名曰橋三子往觀之見橋實高
高然而上反以告商子商子曰橋者父道也南山之陰
有木焉名曰杵三子復往觀焉見杵實晉晉然而循
反以告商子商子曰杵者子道也三子明日見周公
人門而趨登堂而跪周公仰拂其首勞而食之曰爾安
見君子乎三子以實對公曰君子哉商子也

尚書大傳

說苑建本篇同

成王八年命魯侯禽受齊侯伋遷庶殷于魯

竹書紀年

昔武王克商成王定之選建明德以藩屏周故周公相

長沙市人民圖書館藏書圖記

王室以尹天下於周爲睦分魯公以大路大旂夏后氏之璜封父之繁弱殷民六族條氏徐氏蕭氏索氏長勺氏尾勺氏使帥其宗氏輯其分族將其類醜以法則周公用卽命於周是使之職事於魯以昭周公之明德分之土田陪敦祝宗卜史備物典策官司彝器因商奄之民命以伯禽而封于少皞之虛

左傳

伯禽將歸於魯周公謂伯禽之傅曰汝將行盍志而子美德乎對曰其爲人寬好自用以慎此三者其美德也已周公曰嗚乎以人惡爲美德乎君子好以道德故其

四書人名考

卷之五

二

民歸道彼其寬也出無辨矣是其好自用也以斂蓋之也彼其慎也是其所以淺也吾語汝我文王之子武王之弟成王之叔父吾於天下不賤矣然而吾所執費而見者十人還費而相見者三十人貌執之士百有餘人欲言而請畢事者千有餘人於是吾僅得三士焉以正吾身以定天下吾所以得三士者亡於十人與三十人中乃在百人與千人之中故上士吾薄爲之貌下士吾厚爲之貌人人皆以我爲越踰好士然故士至士至而後見物見物然後知是非之所在戒之哉汝其無以魯

國驕人幾矣

尚書大傳。荀子堯潤篇同。

伯禽將行請所以治魯。周公曰：利而勿利也。

呂氏春秋

貴公篇

十三年王師會齊侯魯侯伐戎。

竹書紀年

伯禽即位之後有管蔡等反也。淮夷徐戎亦並興。反於

是伯禽率師伐之於盼。作盼誓。遂平徐戎。定魯。

史記

世家

夏六月魯大禘于周公廟。

竹書紀年

周公未薨何以有廟。蓋周廟也。

口知筆

四書人名考卷之五

三

周廟文王廟也。周公出文王故魯立其廟。

春秋經傳集

解

昔者周公且有勳勞于天下。周公既沒。成王康王追念

周公之所以勳勞者而欲尊魯。故賜之以重祭。外祭則

郊社是也。內祭則大嘗禘是也。夫大嘗禘升歌清廟。下

而管象朱干玉戚以舞。大武八佾以舞。大夏。此天子之

樂也。康周公故以賜魯也。子孫纂之。至於今不廢。所以

明周公之德。而又以重其國也。

禮記祭統

成王以周公爲有勳勞於天下。是以封周公於曲阜。地

四書人名考卷之五

四

方七百里。革車千乘。命魯公世世祀周公。以天子之禮樂。是以魯君孟春乘大路。載弧。韜旂。十有二旒。日月之章。祀帝于郊。配以后稷。天子之禮也。季夏六月。以禘禮祀周公於大廟。牲用白牡。尊用犧象。山罍鬱。尊用黃目。灌用玉瓚。大圭。薦用玉豆。雕篋。爵用玉琖。仍雕。加以璧散。璧角。俎用梳。嶽。升歌清廟。下管象。朱干玉戚。冕而舞大武。皮弁素積。祿而舞大夏。昧。東夷之樂也。任南蠻之樂也。納夷蠻之樂於大廟。言廣魯於天下也。君卷冕立于阼。夫人副禕。立於房中。君肉袒迎牲于門。夫人薦豆。

籩。卿大夫贊。君命婦贊。夫人各揚其職。百官廢職。服大刑。而天下大服。是故夏禘。秋嘗。冬烝。春社。秋省。而遂大蜡。天子之祭也。大廟。天子明堂。庫門。天子皋門。雉門。天子應門。振木鐸於朝。天子之政也。山節藻梲。復廟重檐。刮楹達鄉。反坫出尊。崇坫康圭。疏屏。天子之廟飾也。

註明堂位

周公何以稱大廟于魯。封魯公以爲周公也。周公拜乎前。魯公拜乎後。曰。生以養。周公死以爲周公。主然則周公之魯乎。曰。不之魯也。封魯公以爲周公主。然則周公

曷爲不之魯。欲天下之一乎。周也。魯祭周公。何以爲牲。
周公用白牡。魯公用騂剛。羣公不毛。魯祭周公。何以爲
盛。周公盛。魯公壽。羣公廩。春秋公羊傳

二十一年。周文公薨于豐。竹書紀年

子夏問曰。金革之事無辟也者。其與。孔子曰。吾聞諸老
聃曰。昔者魯公伯禽有爲爲之也。禮記曾子問

康王十九年。魯公禽父薨。竹書紀年

四書人名考 卷之五

昭公

昭公名裯襄公子 經典釋文

公薨于楚宮立胡女敬歸之子子野次于季氏九月癸巳卒毀也巳亥立敬歸之嫡齊歸之子公子裯穆叔不欲曰太子死有母弟則立之無則立長年鈞擇賢義鈞則卜古之道也非嫡嗣何必嫡之子且是人也居喪而不哀在感而有嘉容是謂不度不度之人鮮不為患若果立之必為季氏憂武子不聽卒立之比及塋三易衰衰衽如故衰於是昭公十九年矣猶有童心君子是以

四書人名考卷之五

知其不能終也 左傳

六

昭公元年三月取郕 春秋

季武子伐莒取郕莒人告於會楚告於晉曰尋盟未退

而魯伐莒潰齊盟請戮其使樂桓子相趙文子欲求貨

於叔孫而為之請使請帶焉弗與梁其蹠曰貨以藩身

子何愛焉叔孫曰諸侯之會衛社稷也我以貨免魯必

受師是禍之也何衛之為人之有牆以蔽惡也牆之隙

壞誰之咎也衛而惡之吾又甚焉雖怨季孫魯國何罪

哉出季處有自來矣吾又誰怨然鮒也賄弗與不已召

侵者裂裳帛而與之曰帶其褊矣趙孟聞之曰臨患不忘國忠也思難不越宮信也圖國忘死貞也謀主三者義也有是四者又可戮乎固請諸楚楚人許之乃免叔孫左傳

叔孫歸會天御季孫以勞之且及日中不出會天謂會阜曰且及日中吾知罪矣魯以相忍為國也忍其外不忍其內焉用之阜曰數月於外一旦於是庸何傷賈而欲贏而惡蠶乎阜謂叔孫曰可以出矣叔孫指楹曰雖惡是其可去乎乃出見之同上

四書人名考卷之五

二年春晉侯使韓起來聘春秋

晉侯使韓宣子來聘且告為政而來見禮也觀書於大史氏見易象與春秋曰周禮盡在魯矣吾乃今知周公之德與周之所以王也公享之季武子賦絲之卒章韓子賦角弓季武子拜曰敢拜子之彌縫敝邑寡君有望矣武子賦節之卒章既享宴于季氏有嘉樹焉宣子譽之武子曰宿敢不封殖此樹以無忘角弓遂賦甘棠宣子曰起不堪也無以及召公左傳

冬公如晉至河乃復春秋

四年十有二月叔孫豹卒

同上

五年春王正月舍中軍

同上

舍中軍卑公室也。毀中軍于施氏。成諸臧氏。初作中軍。三分公室而各有其一。季氏盡征之。叔孫氏臣其子弟。孟氏取其半焉。及其舍之也。四分公室。季氏擇二。二子各一。皆盡征之。而貢于公。以書使杜洩告于殯。曰。子固欲毀中軍。既毀之矣。故告杜洩曰。夫子唯不欲毀也。故盟諸僖闕。詛諸五父之衢。受其書而投之。帥士而哭之。
左傳

四書人名考

卷之五

八

公如晉

春秋

公如晉。自郊勞。至于贈賄。無失禮。晉侯謂女叔齊曰。魯侯不亦善於禮乎。對曰。魯侯焉知禮。公曰。何爲自郊勞。至于贈賄。禮無違者。何故不知。對曰。是儀也。不可謂禮。禮所以守其國。行其政令。無失其民者也。今政令在家。不能取也。有子家羈。弗能用也。好大國之盟。陵虐小國。利人之難。不知其私。公室四分。民食於他。思莫在公。不圖其終。爲國君。難將及身。不恤其所。禮之本末。將於此乎。在而屑屑焉。習儀以亟。言善於禮。不亦遠乎。君子謂

叔侯於是乎知禮。左傳

七年三月公如楚。春秋

十有一月季孫宿卒。同上

八年秋蒐于紅。同上

大蒐于紅自根牟至于商衛。韋車于乘。左傳

十一年五月夫人歸氏薨。春秋

大蒐于比蒲。同上

九月葬我小君齊歸。同上

公不感。晉士之送喪者歸以語史趙。史趙曰必為魯郊。

四書人名考 卷之五

九

侍者曰何故曰歸姓也不思親祖不歸也叔向曰魯公室其卑乎君有大喪國不廢蒐有三年之喪而無一日之感國不恤喪不忌君也君無感容不顧親也國不忌君君不顧親能無卑乎殆其失國。左傳

十二年公如晉至河乃復。春秋

十五年公如晉。同上

二十一年公如晉至河乃復。同上

二十三年公如晉至河有疾乃復。同上

二十五年有鸛鶴來巢。春秋

師已曰異哉。吾聞文成之世。童謠有之曰。鸛之鶴之。公出辱之。鸛鶴之羽。公在外野。往饋之馬。鸛鶴踈踈。微裳與襦。鸛鶴之巢。遠哉遙遙。稠父喪勞。宋父以驕。鸛鶴鸛鸛。鶴往歌來。哭童謠有是。今鸛鶴來巢。其將及乎。左傳

九月己亥。公孫于齊。次于陽州。

春秋

公若獻弓於公爲。且與之出射於外。而謀去季氏。公爲告公果。公賁。公果。公賁。使侍人僚祖告公。公寢將以戈擊之。乃走。公曰。執之。亦無命也。懼而不出。數月不見。公不怒。又使言公執戈以懼之。乃走。又使言公曰。非小人

四書人名考卷之五

十

之所及也。公果自言。公以告臧孫。臧孫以難。告邠孫。邠孫以可。勸告子家。懿伯。懿伯曰。讒人以君徼幸。專若不克。君受其名。不可爲也。舍民數世以求克事。不可必也。且政在焉。其難圖也。公退之。辭曰。臣與聞命矣。言若洩。臣不獲死。乃館於公叔孫昭子如闕。公居於長府。九月。戊戌。伐季氏。殺公之於門。遂入之。平子登臺而請曰。君不察臣之罪。使有司討臣以干戈。臣請待于沂上。以察罪。弗許。請囚于費。弗許。請以五乘亡。弗許。子家子曰。君其許之。政自之出久矣。隱民多取食焉。爲之徒者衆矣。

曰入慝作弗可知也。衆怒不可蓄也。蓄而弗治將溢。溢蓄民將生心。生心同求將合。君必悔之。弗聽。郈孫曰必殺之。公使郈孫逆孟懿子。叔孫氏之司馬饒展言於其衆曰。若之何。莫對。又曰。我家臣也。不敢知國。凡有季氏與無於我。孰利。皆曰。無季氏。是無叔孫氏也。饒展曰。然則救諸帥徒以往。陷西北隅。以入。公徒釋甲。執水而踞。遂逐之。孟氏使登西北隅。以望季氏。見叔孫氏之旌。以告孟氏。執郈昭伯。殺之於南門之西。遂伐公徒。子家子曰。羣臣僞劫君者。而負罪以出。君止。意如之事。君也不

四書人名考卷之五

七

敢不改。公曰。余不忍也。與臧孫如墓謀。遂行。左傳

齊侯唁公于野井

春秋

唁公者何。昭公將弑季氏。告子家駒曰。季氏爲無道。僭於公室久矣。吾欲弑之。何如。子家駒曰。諸侯僭於天子。大夫僭於諸侯。久矣。昭公曰。吾何僭矣哉。子家駒曰。設兩觀乘大輅。朱干玉戚以舞。大夏八佾以舞。大武。此皆天子之禮也。且夫牛馬維婁。委已者也。而柔焉。季氏得民衆久矣。君無多辱焉。昭公不從其言。終弑而敗焉。走之齊。齊侯唁公于野井。曰。奈何。君去魯國之社稷。昭公

曰喪人不佞。失守魯國之社稷。執事以羞。再拜。顛慮子家駒曰。慶子免君於大難矣。子家駒曰。臣不佞。陷君於大難。君不忍加之。以斧鑕。賜之以死。再拜。顛。高子執筮。食與四脰脯。國子執壺漿。曰。吾寡君聞君在外。餒饗。未孰。敢致糗於從者。昭公曰。君不忘吾先君。延及喪人。賜之以大禮。再拜稽首。以祗受。高子曰。有夫不祥。君無所辱。大禮昭公。蓋祭而不嘗。景公曰。寡人有不腆先君之服。未之敢服。有不腆先君之器。未之敢用。敢以請。昭公曰。喪人不佞。失守魯國之社稷。執事以羞。敢辱大禮。敢

四書人名考

卷之五

十一

節。景公曰。寡人有不腆先君之服。未之敢服。有不腆先君之器。未之敢用。敢固以請。昭公曰。以吾宗廟之在魯也。有先君之服。未之能以服。有先君之器。未之能以出。敢固辭。景公曰。寡人有不腆先君之服。未之敢服。有不腆先君之器。未之敢用。請以饗乎從者。昭公曰。喪人其何稱。景公曰。孰君而無稱。昭公於是噉然而哭。諸大夫皆哭。既哭。以人爲蒞。以辟爲席。以鞍爲几。以遇禮相見。孔子曰。其禮與其辭足觀矣。

公羊傳

二十七年。晉士鞅。宋樂祁衛北宮喜。曹人邾人滕人會于

秋會于扈。介戍周。且謀納公也。宋衛皆利納公。固請之。范獻子取貨於季孫。謂司城子梁與北宮貞子曰。季孫未知其罪。而君伐之。請囚請亡。於是乎不獲。君又弗克。而自出也。夫豈無備。而能出君乎。季氏之復。天救之也。休公徒之怒。而啓叔孫氏之心。不然。豈其伐人。而說甲執冰以游。叔孫氏懼禍之濫。而自同於季氏。天之道也。魯君守齊三年。而無成。季氏甚得其民。淮夷與之。有十年之備。有齊楚之援。有天之贊。有民之助。有堅守之心。

四書人名考卷之五

七

有列國之權。而弗敢宣也。事君如在國。故鞅以為難。二子皆圖國者也。而欲納魯君。鞅之願也。請從二子以圖魯。無成死之。二子懼。皆辭。乃辭小國。而以難復。左傳

二十八年公如晉。次于乾侯。春秋

將如乾侯。子家子曰。有求於人。而即其安。人孰矜之。其造於竟。弗聽。使請逆於晉。晉人曰。天禍魯國。君淹恤在外。君亦不使一个辱在寡人。而即安於甥舅。其亦使逆君。使公復于竟。而後逆之。左傳

二十九年。公至自乾侯。處于鄆。齊侯使高張來唁公。春秋

公賜公衿羔裘。使獻龍輔於齊侯。遂入羔裘。齊侯喜。與之陽穀。公衿公爲之生也。其母偕出。公衿先生。公爲之母曰。相與偕出。請相與偕告。三日。公爲生。其母先以告。公爲爲兄。公私喜於陽穀。而思於魯。曰。務人爲此禍也。且後生而爲兄。其誣也久矣。乃黜之。而以公衿爲太子。
左傳

冬十月鄆潰。

春秋

三十年。公在乾侯。

同上

三十二年。公薨于乾侯。

同上

四書人名考卷之五

五

趙簡子問於史墨曰。季氏出其君。而民服焉。諸侯與之。君死於外。而莫之或罪也。對曰。物生有兩。有三。有五。陪貳。故天有三辰。地有五行。體有左右。各有妃耦。王有公。諸侯有卿。皆有貳也。天生季氏。以貳魯侯。爲日久矣。民之服焉。不亦宜乎。魯君世從其失。季氏世修其勤。民忘君矣。雖死於外。其誰矜之。社稷無常奉。君臣無常位。自古以然。故詩曰。高岸爲谷。深谷爲陵。三后之姓。於今爲庶。主所知也。在易卦。雷乘乾。曰大壯。天之道也。昔成季友桓之季也。文姜之愛子也。始震而卜。卜人謁之曰。

生有嘉聞。其名曰友。爲公室輔。及生。如下人之言。有文
在其手曰友。遂以名之。旣而有大功於魯。受費以爲上
卿。至于文子武子。世增其業。不廢舊績。魯文公薨。而東
門遂殺適立庶。魯君於是乎失國。政在季氏。於此君也。
四公矣。民不知君。何以得國。是以爲君愼器。顯名。不可
以假人。左傳

四書人名考 卷之五

定公

定公名宋襄公之子昭公之弟經典釋文

叔孫成子逆公之喪于乾侯。季孫曰：「子家子，亟言於我，未嘗不中吾志也。」吾欲與之從政，子必止之。且聽命焉。子家子不見叔孫，易箠而哭。叔孫請見子家子，子家子辭曰：「羈未得見，而從君以出，君不命而薨，羈不敢見。叔孫使告之曰：『公衍公為實使羣臣不得事君。』若公子宋主社稷，則羣臣之願也。凡從君出而可以入者，將唯子是聽。子家氏未有後。」季孫願與子從政，此皆季孫之願。

四書人名考卷之五

六

也。使不敢以告對曰：「若立君，則有卿士大夫與守龜在，羈弗敢知。若從君者，則貌而出者入可也。寇而幽者行可也。若羈也，則君知其出也，而未知其入也。羈將逃也。喪及壞墮，公子宋先入。從公者皆自壞墮反。六月癸亥，公之喪至自乾侯。戊辰，公即位。」左傳

定公二年五月雉門及兩觀災。春秋

三年公如晉至河乃復。同上

四年公及諸侯盟于皋鼬。同上

五年六月季孫意如卒。同上

七月叔孫不敢卒同上

六年二月公侵鄭同上

七年齊國夏帥師伐我西鄙同上

八年春王正月公侵齊同上

公侵齊門于陽州士皆坐列曰顏高之弓六鈞皆取而傳觀之陽州人出顏高奪人弱弓籍邱子鉏擊之與一人俱斃偃且射子鉏中頰殪顏息射人中肩退曰我無勇吾志其日也師退冉猛僞傷足而先其兄會乃呼曰猛也殿左傳

四書人名考卷之五

二月公侵齊春秋

盜竊寶玉大弓同上

十年春王三月及齊平同上

夏公會齊侯于夾谷同上

十二年叔孫州仇帥師墮郟同上

季孫斯仲孫何忌帥師墮費同上

十有二月公圍成同上

十四年公會齊侯衛侯于牽同上

天王使石尚來歸賑同上

大蒐於比蒲同上

邾子來會公同上

城莒父及霄同上

十五年春王正月邾子來朝同上

邾隱公來朝。子貢觀焉。邾子執玉高，其容仰。公受玉卑，其容俯。子貢曰：以禮觀之，二君者皆有死亡焉。夫禮，死生存亡之體也。將左右周旋，進退俯仰，於是乎取之。朝祀喪戎，於是乎觀之。今正月相朝，而皆不度，心已亡矣。嘉事不體，何以能久？高仰，驕也。卑俯，替也。驕近亂，替近

四書人名考卷之五

文

疾，君為主。其先亡乎？左傳

夏五月辛亥郊春秋

壬申公薨于高寢同上

仲尼曰：賜不幸言而中，是使賜多言者也。左傳

秋七月壬申，妣氏卒春秋

丁巳，葬我君定公。雨不克葬。戊午，日下。吳乃克葬。辛巳，葬

定妣同上

哀公

哀公名蔣，定公之子。經曲釋文

三年五月辛卯，桓宮僖宮災。春秋

司鐸火，火踰公宮。桓僖災，救火者皆曰：顧府南宮，敬救。至命，則人出御書，俟於宮。曰：庄女而不在死。子服景伯至，命幸人出禮書，以待命。命不共，有常刑。披人乘馬，巾車脂轄，百官官備。府庫慎守，官人肅給，濟濡帷幕，鬱攸從之。蒙葺公屋，自犬廟始。外內以悛，助所不給，有不用命，則有常刑。無救，公父文伯至，命披人駕乘車。季桓子

四書人名考卷之五

九

至。御公立于象魏之外，命救火者傷人則止，財可為也。命藏象魏，曰：舊章不可亡也。富父槐至，曰：無備而官辦者，猶拾瀋也。於是乎去表之臺，道還公宮。孔子在陳，聞火，曰：其桓僖乎。左傳

四年六月辛丑，亳社災。春秋

五年春，城毗。同上

六年春，城邾。同上

七年夏，公會吳于郟。同上

秋，公伐邾。八月己酉，入邾，以邾子益來。同上

伐邾及范門。猶聞鐘聲。大夫諫不聽。茅成子請告于吳。不許。曰：魯擊析聞於邾，吳二千里，不三月不至，何及於我？且國內豈不足？成子以茅叛，師遂入邾，處其公宮。衆師晝掠，邾衆保于繹，師宵掠，以邾子益來獻于臺社。囚諸負瑕，負瑕故有繹。左傳

八年吳伐我。

春秋

吳伐我，從武城。初，武城人或有因於吳竟田焉，拘繪入之。澠管者曰：何故使吾水滋？及吳師至，拘者道之以伐武城，克之。王犯嘗爲之宰，澹臺子羽之父好焉。國人懼。

四書人名考

卷之五

二十

懿子謂景伯若之何？對曰：吳師來，斯與之戰，何患焉？且召之而至，又何求焉？吳師克東陽而進，舍於五梧。明日，舍於蠶室。公賓庚，公甲、叔子與戰于夷，獲叔子與析朱鉏，獻於王。王曰：此同車，必使能，國未可望也。明日，舍於庚宗，遂次于泗上。微虎欲宵攻王舍，私屬徒七百人，三踊於幕庭，卒三百人，有若與焉。及稷門之內，或謂季孫曰：不足以害吳，而多殺國士，不如已也。乃止之。吳子聞之一夕三遷。吳人行成，將盟。景伯曰：楚人圍宋，易子而食，析骸而爨，猶無城下之盟。我未及虧，而有城下之盟。

是棄國也。吳輕而遠，不能久將歸矣。請少待之，弗從。景伯負載造於萊門，乃請釋子服景伯於吳。吳人許之，以王子姑曹當之，而後止。吳人盟而還。左傳

齊人取讎及闞春秋

歸邾子益于邾同上

齊侯使如吳請師，將以伐我，乃歸邾子。左傳

齊人歸讎及闞春秋

十一年春，齊國書帥師伐我。同上

齊為鄆故，國書高無丕帥師伐我。及清，季孫謂其宰冉

四書人名考卷之五

求曰：齊師在清，必魯故也。若之何？求曰：一子守，二子從。公御諸竟。季孫曰：不能求，居封疆之間。季孫告二子，二子不可。求曰：若不可，則君無出一子帥師，背城而戰，不屬者非魯人也。魯之羣室聚於齊之兵車，一室敵車，優矣。子何患焉？二子之不欲戰也，宜政在季氏。當子之身，齊人伐魯而不能戰，子之恥也。大不列於諸侯矣。季孫使從於朝，侯於黨氏之溝。武叔呼而問戰焉。對曰：君子有遠慮，小人何知？懿子強問之。對曰：小人慮材而言，量力而供者也。武叔曰：是謂我不成丈夫也。退而蒐乘。

孟孺子洩帥右師。顏羽御。邴洩爲右。冉求帥左師。管周
父御。樊遲爲右。季孫曰：須也弱。有子曰：就用命焉。季氏
之甲七千。冉有以武城人三百爲已徒卒。老幼守宮。次
於霽門之外。五日。右師從之。公叔務人見保者而泣曰：
事克政重。上不能謀。士不能死。何以治民。吾既言之矣。
敢不勉乎。師及齊師。戰于郊。齊師自稷曲。師不踰溝。樊
遲曰：非不能也。不信子也。請三刻而踰之。如之衆從之。
師入齊軍。右師奔。齊人從之。陳瓘陳莊涉泗。孟之側後
入以爲殿。抽天策其馬曰：馬不進也。林之狃之伍曰：走

四書人名考卷之五

三

乎。不狃曰：誰不如。曰：然則止乎。不狃曰：惡賢。徐步而死。
師獲甲首八十。齊人不能師。宵謀曰：齊人遁。冉有請從
之。三季孫弗許。孟孺子語人曰：我不如顏羽而賢於邴
洩。子羽銳敏。我不欲戰而能默。洩曰：驅之。公爲與其嬖
童汪錡乘。皆死。皆殯。孔子曰：能執干戈以衛社稷。可無
殤也。冉有用矛於齊師。故能入其軍。孔子曰：義也。左傳
孟之側。孟氏族。字反。春秋經傳集解

孟之反。魯大夫。孟之側。古論評訓

五月公會吳伐齊。春秋

十二年春用田賦同上

夏五月甲辰孟子卒同上

昭夫人孟子卒。昭公娶于吳，故不書姓。死不赴，故不稱夫人。不及哭，故不言葬。小君孔子與弔，適季氏。季氏不統放絕而拜。左傳

子云：娶妻不取同姓，故買妾不知其姓，則卜之。以此坊民。魯春秋猶去夫人之姓，曰吳其死，曰孟子卒。禮記坊記

夫人之不命於天子，自魯昭公始也。禮記雜記下

四書人名考卷之五

三

公會吳于橐皋春秋

吳子使太宰嚭請尋盟，公不欲。使子貢對曰：盟所以周信也。故心以制之，玉帛以奉之，言以結之，明神以要之。寡君以為苟有盟焉，弗可改也已。若猶可改，曰盟何益？今吾子曰：必尋盟，若可尋也，亦可寒也。乃不尋盟。左傳

秋公會衛侯宋皇瑗于鄆春秋

冬十有二月螽同上

十三年公會晉侯及吳子于黃池同上

十四年西狩獲麟同上

小邾射以句繹來奔

同上

小邾射以句繹來奔。曰使季路要我。吾無盟矣。使子路子路辭。季康子使冉有謂之曰。干乘之國。不信其盟。而信子之言。子何辱焉。對曰。魯有事于小邾。不敢問。故死其城下可也。彼不臣而濟其言。是義之也。由弗能。左傳

二十一年。公及齊侯。邾子盟于顧。

同上

齊人責稽首。因歌之曰。魯人之皋。數年不覺。使我高蹈。唯其儒書。以爲二國憂。是行也。公先至于陽穀。齊閭邱息曰。君辱舉玉趾。以在寡君之軍。羣臣將傳遽以告寡

四書人名考卷之五

吾

君。比其復也。君無乃勤。爲僕人之未次。請除館於舟道。辭曰。敢勤僕人。同上

二十四年

公子荆之母嬖。將以爲夫人。使宗人釁夏獻其禮。對曰。無之。公怒曰。女爲宗司。立夫人。國之大禮也。何故無之。對曰。周公及武公。娶於薛。孝惠娶於商。自桓以下。娶於齊。此禮也。則有。若以妾爲夫人。則固無其禮也。公卒立之。而以荆爲太子。國人始惡之。左傳

閏月。公如越。得大子適郟。將妻公。而多與之地。公孫有

山使告於季孫季孫懼使因太宰嚭而納賂焉乃止

上

二十五年

六月公至自越。季康子孟武伯逆於五梧。郭重僕見二子曰惡言多矣。君請盡之。公宴於五梧。武伯為祝。惡郭重曰何肥也。季孫曰請飲癡也。以魯國之密邇仇讐。臣是以不獲從君。克免於大行。又謂重也肥。公曰是食言多矣。能無肥乎。飲酒不樂。公與大夫始有惡。左傳

二十七年哀公卒

史記六國表

四書人名考卷之五

五

春越子使后庸來聘。且言邾田。封于駘。上二月盟于平陽。三子皆從。康子病之言及于貢。曰若在此吾不及此。夫武伯曰然何不召。曰固將召之。文子曰他日請念。左傳

公患三桓之侈也。欲以諸侯去之。三桓亦患公之妄也。故君臣多間。公遊於陵阪。遇孟武伯於孟氏之衢。口請有問於子余及死乎。對曰臣無由知之。三問卒辭不對。公欲以越伐魯而去三桓。秋八月甲戌。公如公孫有涇氏。因孫於邾。乃遂如越。國人施公孫有山氏。同上

魯繆公

繆公魯哀公之曾孫 禮記注

哀公蔣生悼公寧寧生元公嘉嘉生繆公不衍 世本

悼公三十七年卒子嘉立是為元公元公二十一年卒

子顯立是為繆公 史記魯世家

繆公元年魏文侯受經子夏過段干木之間常式 史記六

國表周威列王十九年

五年韓魏趙始列為諸侯 同上

十四年齊伐魯取最 同上周安王八年

四書人名考卷之五

韓救魯 同上

十八年魯敗齊平陸 同上

二十二年田常會孫田和始列為諸侯

二十三年齊伐魯破之 同上

三十年齊威王始以齊強天下 同上

三十三年卒 史記魯世家

繆公之母卒使人問於曾子曰如之何對曰申也聞諸

中之父曰哭泣之哀齊斬之情餽粥之食自天子達布

幕衛也繆幕魯也 禮記檀弓上

穆公問於子思曰。爲舊君反服。古與。子思曰。古之君子。進人以禮。退人以禮。故有舊君反服之禮也。今之君子。進人若將加諸膝。退人若將隊諸淵。毋爲戎首。不亦善乎。又何反服之禮之有。禮記檀弓下。按史記子思年六十二。今以年表考之。自孔子卒後。至魯繆公元年。已開七十三歲時。世疑不相及。

穆公問子思曰。吾國可興乎。子思曰。可。公曰。爲之奈何。對曰。苟君與大夫慕周公伯禽之治。行其政化。開公家之惠。杜私門之利。結恩百姓。修禮鄰國。其興也勃矣。孔

國書人名考

卷之五

三

叢

穆公欲相子思。子思不願將去魯。魯君曰。天下之主。亦猶寡人也。去將安之。子思答曰。蓋聞君子猶鳥也。疑之則舉。今君旣疑矣。又以已限天下之君。臣竊謂言之過也。同上

陳莊子死。赴於魯。魯人欲勿哭。繆公召縣子而問焉。縣子曰。古之大夫。束修之問不出。竟雖欲哭之。安得而哭之。今之大夫。交政於中國。雖欲勿哭。焉得而弗哭。且臣聞之。哭有二道。有愛而哭之。有畏而哭之。公曰。然。然則

如之何而可。縣子曰：請與諸異姓之廟。於是與吳諸縣氏。禮記檀弓上。按史記素隱引紀年云：齊宣公十五年田莊子卒，魯悼公之二十六年也。又三十五年為魯穆公元年，時代疑不相及。

歲旱，穆公召縣子而問然。曰：天久不雨，吾欲暴尪而奚若。曰：天則不雨，而暴人之疾子，虐毋乃不可與。然則吾欲暴巫而奚若。曰：天則不雨，而望之愚婦人，于以求之，毋乃已疏乎。從市則奚若。曰：天子崩，巷市七日。諸侯薨，巷市三日。為之徙市，不亦可乎。
禮記檀弓下

四書人名考 卷之五

天

平公

平謚也 孟子注

穆公三十三年卒，子奮立，是為共公。共公二十二年卒，

子屯立，是為康公。康公九年卒，子匱立，是為景公。景公

二十九年卒，子叔立，是為平公。 史記魯世家

平公元年，燕君噲及相子之皆死。 史記六國表。周赧王

元年

二年，張儀相楚。 同上

三年，燕人共立公子平。 同上

四書人名考 卷之五

六年，張儀死。 同上

十七年，齊與魏、韓共擊秦，孟嘗君歸相齊。 同上

十九年，懷王卒於秦，來歸葬。 同上

二十二年，平公卒。 史記魯世家

臧文仲

文仲魯卿臧哀伯之孫伯氏瓶之子臧孫辰也 國語解

孝公生僖伯彊彊生哀伯達達生伯氏瓶瓶生文仲辰

世本

莊公十一年宋大水 春秋

公使弔焉曰天作淫雨害於棗盛若之何不弔對曰孤實不敬天降之災又以為君憂拜命之辱臧文仲曰宋其興乎禹湯罪已其興也勃焉桀紂罪人其亡也忽焉且列國有凶稱孤禮也言懼而名禮其庶乎既而聞之曰公子御說之辭也臧孫達曰是宜為君有恤民之心 左傳

四書人名考 卷之六

二十八年臧孫辰告糴於齊 春秋

魯饑臧文仲言於嚴公曰夫為四鄰之援結諸侯之信重之以婚姻申之以盟誓固國之艱急是為鑄名器藏寶財固民之殄病是待今國病矣君盍以名器請糴於齊公曰誰使對曰國有饑饉卿出告糴古之制也辰也備卿辰請如齊公使往從者曰君不命吾子吾子請之其為選事乎文仲曰賢者急病而讓夷居官者當事不

避難。在位者恤民之患。是以國家無違。今我不如齊。非急病也。在上不恤下。居官而惰。非事君也。文仲以鬯圭與玉磬如齊告糴。曰：天災流行。戾於敝邑。饑饉薦降。民羸幾卒。大懼殄周公太公之命祀。職貢業事之不共。而獲戾不腆。先君之敝器。敢告滯積。以紓執事。以救敝邑。使能共職。豈唯寡君與二三臣實受君賜。其周公太公及百辟神祇實永饗而賴之。齊人歸其玉而予之糴。國語

僖公二十一年夏大旱

春秋

四書人名考卷之六

二

公欲焚巫尪。臧文仲曰：非旱備也。修城郭。貶食。省用。務穡勸分。此其務也。巫尪何為。天欲殺之。則如勿生。若能為旱。焚之滋甚。公從之。是歲也。饑而不害。左傳

十二年及邾人戰于升陘

春秋

邾人以須句故出師。公卑邾。不設備而禦之。臧文仲曰：國無小不可易也。無備雖衆不可恃也。詩曰：戰戰兢兢。如臨深淵。如履薄冰。又曰：敬之敬之。天惟顯思。命不易哉。先王之明德。猶無不難也。無不懼也。況我小國乎。君其無謂邾小。蠶蠶有毒。而況國乎。弗聽。八月丁未。公及

齊師戰於升陘我師敗績邾人獲公魯縣諸魚門左傳

邾婁復之以矢也。自戰于升陘始也。禮記檀弓上

二十六年齊人伐我北鄙。春秋

齊孝公來伐臧文仲欲以辭告病焉問於展禽對曰獲聞之處大教小處小事大所以禦亂也不聞以辭若爲小而崇以怒大國使加已亂亂在前矣辭其何益文仲曰國急矣百物唯其可者將無不趨也願以子之辭行賂焉其可乎展禽使乙喜以膏沐犒師曰寡君不佞不能事疆場之司使君盛怒以暴露於敝邑之野敢犒輿

四書人名考卷之六

三

師齊侯見使者曰魯國恐乎對曰小人恐矣君子則不
公曰室如縣磬野無青草何恃而不恐對曰恃二先君
之所職業昔者成王命我先君周公及齊先君大公
曰女股肱周室以夾輔先生賜女土地質之以犧牲世
世子孫無相害也今君來討敝邑之罪其亦復聽從而
釋之必不泯其社稷豈其貪壤地而棄先王之命其何
以鎮撫諸侯恃此以不恐齊侯乃許爲平而還。國語

東門襄仲臧文仲如楚乞師臧孫見子玉而道之伐齊
宋以其不臣也。左傳

二十年衛侯鄭歸於衛

春秋

溫之會。晉人執衛成公歸之於周。使醫醜之。不死。醫亦不誅。臧文仲言於僖公曰。夫衛君殆無罪矣。刑五而已。無有隱者。隱乃諱也。大刑用甲兵。其次用斧鉞。中刑用刀鋸。其次用鑽笮。薄刑用鞭朴。以威民也。故大者陳之原野。小者致之市朝。五刑三次。是無隱也。今晉人鴆衛侯不死。亦不討其使者。諱而惡殺之也。有諸侯之請。必免之。臣聞之。班相恤也。故能有親。夫諸侯之患。諸侯恤之。所以訓民也。君盍請衛君以示親於諸侯。且以動晉。

四書人名考卷之六

四

夫晉新得諸侯。使亦曰魯不棄其親。其亦不可以惡公說行。玉二十穀。乃免衛侯。自是晉聘於魯。加於諸侯一等。爵同則厚其好貨。衛侯聞其臧文仲之爲也。彼納賂焉。辭曰。外臣之言不越境。不敢及君。

國語

三十一年取濟西田

春秋

晉文公解曹地以分諸侯。僖公使臧文仲往宿於重館。重館人告曰。晉始伯而欲固諸侯。故解有異之地以分諸侯。諸侯莫不望分而欲親晉。皆將爭先晉。不以故班。亦必親先者。吾子不可以不速行。魯之班長而又先諸

侯其誰望之。若少安恐無及也。從之。獲地於諸侯為多。反既復命。為之請曰。地之多也。重館人之方也。臣聞之。曰。善。有章。雖賤賞也。惡有釁。雖貴罰也。今一言而辟境。其章大矣。請賞之。乃出而爵之。國語

三十三年。齊侯使國歸父來聘。春秋

齊國莊子來聘。自郊勞至于贈賄。禮成而加之以敏。臧文仲言於公曰。國子為政。齊猶有禮。君其朝焉。臣聞之。服於有禮。社稷之衛也。左傳

文公二年。大事於太廟。躋僖公。春秋

四書人名考卷之六

五

仲尼曰。臧文仲其不仁者三。不知者三。下展禽。廢六關。妾職。蒲。三不仁也。作虛器。縱逆祀。祀爰居。三不知也。左傳

臧文仲廢六關。家語云。置六關。注謂文仲置關以稅行者。故為不仁。國語紀聞

海鳥曰爰居。止於魯東門之外。二曰臧文仲使國人祭之。展禽曰。越哉。臧孫之為政也。夫祀國之大節也。而節政之所成也。故慎制祀以爲國典。今無故而加典。非政之宜也。夫聖王之制祀也。法施於民則祀之。以死勤事

則祀之。以勞定國。則祀之。能禦大災。則祀之。能捍大患。則祀之。非是族也。不在祀典。昔烈山氏之有天下也。其子曰柱。能殖百穀百蔬。夏之興也。周棄繼之。故祀以爲稷。共工氏之伯九有也。其子曰后土。能平九土。故祀以爲社。黃帝能成命百物。以明民共財。顓頊能修之。帝嚳能序三辰。以固民堯能單均刑法。以儀民。舜勤民事而野死。鯀鄣洪水而殛死。禹能以德修鯀之功。契爲司徒而民輯。冥勤其官而水死。湯以寬治民而除其邪。稷勤百穀而山死。文王以文昭武王去民之穢。故有虞氏禘

四書人名考卷之六

六

黃帝而祖顓頊。郊堯而宗舜。夏后氏禘黃帝而祖顓頊。郊鯀而宗禹。商人禘舜而祖契。郊冥而宗湯。周人禘嚳而郊稷。祖文王而宗武王。幕能帥顓頊者也。有虞氏報焉。杼能帥禹者也。夏后氏報焉。上甲微能帥契者也。商人報焉。高圉太王能帥稷者也。周人報焉。凡禘郊宗祖報此五者。國之典祀也。加之。以社稷山川之神。皆有功烈於民者也。及前哲令德之人。所以爲明質也。及天之三辰。民所以瞻仰也。及地之五行。所以生殖也。及九州名山川澤。所以出財用也。非是不在祀典。今海鳥至巴

不知而祀之。以爲國典。難以爲仁。且知矣。夫仁者。講功而知者。處物無功而祀之。非仁也。不知而不問。非知也。今茲海。其有災乎。夫廣川之鳥獸。恒知而避其災也。是歲也。海多大風。冬。燠。文仲聞。柳下季之言曰。信吾過也。季子之言。不可不法也。使書以爲三策。

國語

孔子曰。臧文仲安知禮。夏。麥熟。蒸逆祀而弗止也。燔柴于奧。夫奧者。老婦之祭也。盛於盆。尊於瓶。

禮記禮器

五年。楚人滅六。

春秋

臧文仲聞六與蓼滅。曰。皋陶庭堅不祀。忽諸德之不建。

四書人名考卷之六

民之無援哀哉。

左傳

十年三月辛卯。臧孫辰卒。

春秋

臧孫母者。魯大夫臧文仲之母也。文仲將爲魯使至齊。

其母送之曰。魯之寵臣多怨女者。又皆通於齊國子高。

子。是必使齊圖魯而拘女留之。難乎其免也。文仲之齊。

齊果拘之。而興兵欲襲魯。文仲陰使遺公書。恐人得其

書。乃謬其詞曰。斂小器投諸台。食獵犬。組羊裘。琴之合。

甚思之。臧我羊。羊有母。食我以同魚冠。纓不足帶有餘。

公及大夫相與議之。莫能知之。人有稱臧孫母者。世家。

子也。君何不試召而問焉？於是召而語之曰：「吾使廋子之齊，今特書來云：爾何也？」臧孫母泣下襟曰：「吾子拘有木治矣。」公曰：「何以知之？」對曰：「斂小器投諸台者，言取郭外氓納之于城中也；食獵犬粗羊裘者，言趣饗戰鬪之士而繕甲兵也；琴之合甚思之者，言思妻也。臧我羊，羊有母，是善告妻善養母也；食我以同魚，同者其文錯，錯者所以治鋸，鋸者所以治木也。是有木治係於獄矣。冠纓不足帶，有餘者，頸亂不得梳，飢不得食也。故知吾子拘而有木治矣。於是，以臧孫母之言軍於境上，齊方遣

四書人名考卷之六

八

兵將以襲魯，聞兵在境上，乃還文仲而不伐魯。君子謂臧孫母識微見遠。列女傳

臧武仲魯大夫臧孫紇。論語解

初臧宣叔娶於鑄，生賈及爲而死。繼室以其姪穆姜之姨子也，生紇，長於公宮。姜氏愛之，故立之。左傳

宣叔文仲子武仲父。春秋經傳集解

成公十八年，晉侯使士魴來乞師。春秋

季文子問師數於臧武仲，對曰：「伐鄭之役，知伯實來，下軍之佐也。今撓季亦佐下軍，如伐鄭可也。事大國無失。」

班爵而加敬焉。禮也。從之。春秋左傳

襄公四年。陳侯午卒。春秋

楚人將伐陳。聞喪乃止。陳人不聽命。臧武仲聞之曰。陳不服於楚。必亡。大國行禮焉。而不服。在大猶有咎。而況小子。夏。楚彭名侵陳。陳無禮故也。左傳

邾人莒人伐郕。同上

臧紇救郕。侵邾。敗於狐駘。國人逆喪者皆髻。魯於是乎始髻。國人誦之曰。臧之狐裘。敗我於狐駘。我君小子。朱儒是使。朱儒朱儒。使我敗於邾。同上

四書人名考 卷之六

魯婦人之髻而帶也。自敗於臺。始也。禮記檀弓上

十一年。會于蕭魚。春秋

赦鄭囚。皆禮而歸之。晉侯使叔盂告於諸侯。公使臧孫紇對曰。凡我同盟。小國有罪。大國致討。苟有以藉手。鮮不赦宥。寡君聞命矣。春秋左傳

十三年。城防。春秋

於是將早城。臧武仲請侯。畢農事。禮也。左傳

十四年。衛侯出奔齊。春秋

衛侯在邾。臧紇如齊。唁衛侯。與之言。虐退而告其人曰。

衛侯其不得入矣。其言糞土也。亡而不變。何以復國。子展子鮮聞之。見臧紇。與之言道。臧孫說。謂其人曰。衛君必入。夫二子者。或輓之。或推之。欲無入得乎。左傳

十七年。高厚帥師伐我北鄙。圍防。春秋

高厚圍臧紇于防。師自陽闕。逆臧孫。至於旅松。鄆叔紇臧疇。臧賈帥甲三百。宵犯齊師。送之而復。齊師去之。齊人獲臧堅。齊侯使夙沙衛唁之。且曰。無死。堅稽首曰。拜命之辱。抑君賜不終姑。又使其刑臣禮於士。以杙抉其傷而死。左傳

四書人名考卷之六

十

十九年。季孫宿如晉。春秋

季武子如晉。拜師。以所得於齊之兵。作林鐘。而銘魯功焉。臧武仲謂季孫曰。非禮也。夫銘。天子令德。諸侯言時。計功。大夫稱伐。今稱伐。則下等也。計功。則借人也。言時。則妨民多矣。何以爲銘。且夫大伐。小取其所得。以作彝器。銘其功烈。以示子孫。昭明德而懲無禮也。今將借人之力。以救其死。若之何。銘之。小國幸於大國。而昭所獲焉。以怒之。亡之道也。左傳

二十一年。初。庶其以漆。閭邱來奔。春秋

季武子以公姑姊妻之。皆有賜於其從者。於是魯多盜。季孫謂臧武仲曰：子盍詰盜。武仲曰：不可詰也。紇又不能。季孫曰：我有四封，而詰其盜，何故不可？子爲司寇，將盜是務去。若之何不能？武仲曰：子召外盜而大禮焉，何以止吾盜？子爲正卿而來外盜，使紇去之，將何以能庶其竊邑於邾以來？子以姬氏妻之，而與之邑，其從者皆有賜焉。若大盜禮焉，以君之姑姊與其大邑，其次阜牧輿馬，其小者衣裳劍帶，是賞盜也。賞而去之，其或難焉。紇也聞之，在上位者洒濯其心，壹以待人，軌度其信，可

四書人名考卷之六

明徵也。而後可以治人。夫上之所爲，民之歸也。上所不爲，而民或爲之，是以加刑罰焉，而莫敢不懲。若上之所爲，而民亦爲之，乃其所也，又可禁乎？夏書曰：念茲在茲。釋茲在茲，名言茲在茲，允出茲在茲，惟帝念功。將謂由已壹也，信由已壹，而後功可念也。左傳

二十二年公至自會春秋

臧武仲如晉，雨過御叔，御叔在其邑，將飲酒，曰：焉用聖人，我將飲酒而已。雨行，何以聖爲？穆叔聞之，曰：不可使也。而傲使人國之蠹也，令倍其賦。左傳

二十三年。臧孫紇出奔邾。

春秋

季武子無適子。公彌長而愛悼子。欲立之。訪於臧紇。臧紇曰。飲我酒。吾爲子立之。季氏飲大夫酒。臧紇爲客。既獻。臧孫命北面重席。新樽絜之。召悼子降逆之。大夫皆起及旅而召公鉏。使與之齒。季孫失色。季氏以公鉏爲馬正。愠而不出。閔子馬見之。曰。子無然。禍福無門。唯人所召。爲人子者。患不孝。不患無所敬。共父命。何常之有。若能孝敬。富倍季氏可也。姦回不軌。禍倍下民可也。公鉏然之。敬共朝夕。恪居官次。季孫喜。使飲已酒。而以具

四書人名考卷之六

七

往。盡舍旃。故公鉏氏富。又出爲公左宰。孟孫惡臧孫。季孫愛之。孟莊子疾。豐點謂公鉏。苟立羯。請讐臧氏。公鉏謂季孫曰。孺子秩。固其所也。若羯立。則季氏信有力於臧氏矣。弗應。孟孫卒。公鉏奉羯立於戶側。季孫至。入哭。而出曰。秩焉在。公鉏曰。羯在此矣。季孫曰。孺子長。公鉏曰。何長之有。唯其才也。且夫子之命也。遂立羯。秩奔邾。臧孫入哭。甚哀。多涕。出其御曰。孟孫之惡子也。而哀如是。季孫若死。其若之何。臧孫曰。季孫之愛我。疾疢也。孟孫之惡我。藥石也。美疢不如惡石。夫石猶生我。疢之美

其毒滋多。孟孫死。吾亡無日矣。孟氏閉門告於季孫曰。臧氏將爲亂。不使我葬。季孫不信。臧孫聞之。戒孟氏將辟。藉除於臧氏。臧孫使正夫助之。除於東門。甲從已而視之。孟氏又告季孫。季孫怒。命攻臧氏。臧紇斬鹿門之關。以出奔邾。臧賈。臧爲出在鑄。臧武仲自邾使告臧賈。且致大蔡焉。曰。紇不佞。失守宗祧。敢告不弔。紇之罪不及不祀。子以大蔡納。請其可。賈曰。是家之禍也。非子之過也。賈聞命矣。再拜受龜。使爲以納。請遂自爲也。臧孫如防。使來告曰。紇非能害也。知不足也。非敢私請。苟守

四書人名考 卷之六

三

先祀無廢二勳。敢不辟邑。乃立臧爲。臧紇致防而奔齊。其人曰。其盟我乎。臧孫曰。無辭。將盟臧氏。季孫召外史。掌惡臣而問盟首焉。孟椒曰。盍以其犯門斬關。季孫用之。乃盟臧氏曰。無或如臧孫。紇干國之紀。犯門斬關。臧孫聞之曰。國有人焉。誰居其孟椒乎。左傳齊侯將爲臧紇。田臧孫聞之。見齊侯與之言伐晉。對曰。多則多矣。抑君似鼠。夫鼠晝伏夜動。不穴於寢廡。畏人故也。今君聞晉之亂而後作焉。寧將事之。非鼠何如。弗與。田仲尼曰。知之難也。有臧武仲之知。而不容於魯。

國。抑。有。田。也。作。不。順。而。施。不。恕。也。夏。書。曰。念。茲。在。茲。順。事。恕。施。也。同上

昭公十年秋七月平子伐莒取郟獻俘始用人於亳社臧武仲在齊聞之曰周公其不饗魯祭乎周公饗義魯無義詩曰德音孔昭視民不佻佻之謂甚矣而壹用之將誰福哉。同上

四書人名考卷之六

季文子 季桓子 季康子 季子然

季文子季友之孫齊仲無佚之子季孫行父也 國語解

公子友生齊仲齊仲生無逸無逸生行父行父生夙 世本

文公六年夏季孫行父如陳 春秋

臧文仲以陳衛之睦也欲求好於陳夏季文子聘於陳

且娶焉 左傳

秋季孫行父如晉 春秋

季文子將聘於晉使求遭喪之禮以行其人曰將焉用

四書人名考卷之六

五

之文子曰備豫不虞古之善教也求而無之實難過求

何害 左傳

十二年季孫行父帥師城諸及郟 春秋

十三年公如晉 同上

冬公如晉朝且尋盟衛侯會公於脊請平於晉公還鄭

伯會公於棐亦請平於晉公皆成之鄭伯與公宴於棐

子家賦鴻鴈季文子曰寡君未免於此文子賦四月子

家賦載馳之四章文子賦采芾之四章鄭伯拜公答拜

左傳

十五年春季孫行父如晉

春秋

爲單伯與子叔姬故也

左傳

季孫行父如晉

春秋

齊人侵我西鄙故季文子告于晉

左傳

齊侯侵我西鄙

春秋

謂諸侯不能也。遂伐曹入其郛。討其來朝也。季文子曰：齊侯其不免乎。已則無禮而討於有禮者。曰：女何故行禮。禮以順天。天之道也。已則反天而又以討人。難以免矣。詩曰：胡不相畏。不畏於天。君子之不虐幼賤。畏于天。

四書人名考卷之六

六

也在周頌曰：畏天之威。于時保之。不畏于天。將何能保。以亂取國。奉禮以守。猶懼不終。多行無禮。弗能在矣。

左傳

十六年季孫行父會齊侯于陽穀。齊侯弗及盟。

十八年季孫行父如齊

同上

莒紀公生太子僕。又生季佗。愛季佗而黜僕。且多行無禮於國。僕因國人以弑紀公。以其寶玉衣奔納諸宣公。公命與之邑。曰：今日必授季文子使。司寇出諸竟。曰：今日必達。公聞其故。季文子使。天史克對曰：死大夫。臧文

仲教行父事君之禮。行父奉以周旋。弗敢失隊。曰。見有禮於其君者。事之。如孝子之養父母也。見無禮於其君者。誅之。如鷹鷂之逐鳥雀也。先君周公制周禮。曰。則以觀德。德以處事。事以度功。功以食民。作誓命曰。毀則爲賊。掩賊爲藏。竊賄爲盜。盜器爲姦。主藏之名。賴姦之用。爲大凶德。有常無赦。在九刑不忘。行父還觀莒僕。莫可則也。孝敬忠信爲吉德。盜賊藏姦爲凶德。夫莒僕則其孝敬則弑君父矣。則其忠信則竊寶玉矣。其人則盜賊也。其器則姦兆也。保而利之。則主藏也。以訓則昏民無則焉。不度於善。而皆在於凶德。是以去之。昔高陽氏有才子八人。蒼舒。隤。斨。檮。戴。大臨。龙降。庭堅。仲容。叔達。齊聖。廣淵。明允。篤誠。天下之民謂之八愷。高辛氏有才子八人。伯奮。仲堪。叔獻。季仲。伯虎。仲熊。叔豹。季狸。忠肅。共懿。宣慈。惠和。天下之民謂之八元。此十六族也。世濟其美。不隕其名。以至於堯。堯不能舉。舜臣堯。舉八愷。使主后土。以揆百事。莫不時序。地平天成。舉八元。使布五教于四方。父義。母慈。兄友。弟共。子孝。內平外成。昔帝鴻氏有不才子。掩義隱賊。好行凶德。醜類惡物。頑嚚不友。是

與比周。天下之民謂之渾敦。少皞氏有不才子。毀信廢忠。崇飾惡言。靖譖庸回。服讒蒐慝。以誣盛德。天下之民謂之窮奇。顓頊氏有不才子。不可教訓。不知話言。告之則頑。舍之則嚚。傲很明德。以亂天常。天下之民謂之檇。此三族也。世濟其凶。增其惡名。以至于堯。堯不能去。緡雲氏有不才子。貪于飲食。冒于貨賄。侵欲崇侈。不可盈厭。聚斂積實。不知紀極。不分孤寡。不恤窮匱。天下之民以比三凶。謂之饕餮。舜臣堯。賓于四門。流四凶族。渾敦窮奇。檇。饕餮。投諸四裔。以禦魑魅。是以堯崩而天

四書人名考

卷之六

六

下如一。同心戴舜。以爲天子。以其舉十六相。去四凶也。故虞書敘舜之功曰。慎徽五典。五典克從。無違教也。曰納于百揆。百揆時序。無廢事也。曰賓于四門。四門穆穆。無凶人也。舜有大功二十。而爲天子。今行父雖未獲一吉人。去一凶矣。於舜之功二十之一也。庶幾免於戾乎。
左傳

宣公元年。季孫行父如齊。

春秋

季文子如齊。納賄以請會。會于平州。以定公位。六月。齊人取濟西之田。爲立公故。以賂齊也。
左傳

十八年歸父還自晉至筮遂奔齊

春秋

公孫歸父以襄仲之立公也。有寵欲去三桓以張公室。與公謀而聘于晉。欲以晉人去之。冬公薨。季文子言於朝曰。使我殺適立庶以失大援者仲也。夫臧宣叔怒曰。當其時不能治也。後之人何罪。子欲去之。許請去之。遂逐東門氏。子家還及筮壇帷。復命於介。既復命袒括髮。卽位哭三踊而出。遂奔齊。左傳

成公元年冬十月

春秋

季孫行父禿。晉卻克眇。衛孫良夫跛。曹公子手僂。同時

四書人名考

卷之六

九

而聘于齊。齊使禿者御禿者。使眇者御眇者。使跛者御跛者。使僂者御僂者。蕭同姪子處臺上而笑之。問于客。客不說而去。相與立胥聞而語。移日不解。齊人有知之者曰。齊之患必自此始矣。春秋穀梁傳

二年季孫行父臧孫許叔孫僑如公孫嬰齊帥師會晉卻克衛孫良夫曹公子首及齊侯戰于鞏齊師敗績。春秋

四年

晉侯見公不敬。季文子曰。晉侯必不免。詩曰。敬之敬之。天惟顯思。命不易哉。夫晉侯之命在諸侯矣。可不敬乎。

秋公至自晉欲求成于楚而叛晉季文子曰不可晉雖無道未可叛也國大臣睦而適於我諸侯聽焉未可以貳史佚之志有之曰非我族類其心必異楚雖大非吾族也其肯字我乎公乃止左傳

六年二月立武宮春秋

季文子以鞏之功立武宮非禮也聽於人以救其難不可以立武立武由己非由人也左傳

冬季孫行父如晉春秋

晉遷于新田季文子如晉賀遷也左傳

四書人名考卷之六

八年晉侯使韓穿來言汶陽之田歸之于齊春秋

季文子餞之私焉曰大國制義以爲盟主是以諸侯懷德畏討無有貳心謂汶陽之田做邑之舊也而用師於齊使歸諸做邑今有二命曰歸諸齊信以行義義以成命小國所望而懷也信不可知義無所立四方諸侯其誰不解體詩曰女也不爽士貳其行士也罔極二三其德七年之中一與一奪二三孰甚焉士之二三猶喪妃耦而況霸主霸王將德是以而二三之其何以長有諸侯乎詩曰猶之未遠是用大簡行父懼晉之不遠猶而

失諸侯也。是以敢私言之。左傳

九年伯姬歸于宋。春秋

夏季文子如宋致女復命公享之賦韓奕之五章穆姜出於房再拜曰大夫勤辱不忘先君以及嗣君施及未亡人先君猶有望也敢拜大夫之重勤又賦綠衣之卒章而入。左傳

十一年季孫行父如晉。春秋

季文子如晉報聘且莅盟也。左傳

十六年晉人執季孫行父舍之于莒邱。春秋

四書人名考卷之六

宣伯使告卻犢曰魯之有季孟猶晉之有欒范也政令於是乎成今其謀曰晉政多門不可從也當事齊楚有亡而已蔑從晉矣若欲得志於魯請止行父而殺之我斃蔑也而事晉蔑有貳矣魯不貳小國必睦不然歸必叛矣九月晉人執季文子于莒邱公還待于鄆使子叔聲伯請季孫于晉卻犢曰苟去仲孫蔑而止季孫行父吾與子國親於公室對曰僑如之情子必聞之矣若去蔑與行父是大棄魯國而罪寡君也若猶不棄而惠徼周公之福使寡君得事晉君則夫二人者魯國社稷之

臣也。若朝亡之。魯必夕亡。以魯之密邇仇讎。亡而爲讎。治之何及。卻犢曰。吾爲子請邑。對曰。嬰齊魯之常隸也。敢介大國以求厚焉。承寡君之命以請。若得所請。吾子之賜多矣。又何求。范文子謂欒武子曰。季孫於魯。相二君矣。妾不衣帛。馬不食粟。可不謂忠乎。信讒慝而棄忠良。若諸侯何。子叔嬰齊奉君命無私。謀國家不貳。圖其身。不忘其君。若虛其請。是棄善人也。子其圖之。乃許魯平。赦季孫。冬十月。出叔孫僑如而盟之。僑如奔齊。左傳

襄公二年。夫人姜氏薨。

春秋

四書人名考卷之六

三

齊姜薨。初。穆姜使擇美楨。以自爲櫬。與頌葵。季文子取以葬。君子曰。非禮也。禮無所逆。婦養姑者也。虧姑以成婦。逆莫大焉。詩曰。其惟哲人。告之話言。順德之行。季孫於是爲不哲矣。左傳

四年。夫人妣氏薨。

春秋

秋。定妣薨。不殯于廟。無櫬。不虞。匠慶謂季文子曰。子爲正卿。而小君之喪不成。不終君也。君長。誰受其咎。初。季孫爲已樹六槨於蒲圃東門之外。匠慶請木。季孫曰。畧匠。慶用蒲圃之槨。季孫不御。君子曰。志所謂多行無禮。

必自及也。其是之謂乎。左傳

五年季孫行父卒。春秋

大夫入斂。公在位。宰兀。家器為葬備。無衣帛之妾。無食粟之馬。無藏金玉。無重器備。君子是以知季文子之忠於公室也。相三君矣。而無私積。可不謂忠乎。左傳

季文子相宣成。無衣帛之妾。無食粟之馬。仲孫它諫曰。子為魯正卿。相二君矣。妾不衣帛。馬不食粟。人其以子為愛。且不華國乎。文子曰。吾亦願之。然吾觀國人。其父兄之食麤而衣惡者。猶多矣。吾是以不敢。人之父兄食

四書人名考卷之六

三

麤衣惡。而我美妾與馬。無乃非相人者乎。且吾聞以德榮為國華。不聞以妾與馬。文子以告孟獻子。獻子囚之七日。自是子服之妾。衣不過七升之布。馬餼不過稷莠。文子聞之曰。過而能改者。民之上也。使為上大夫。國語

季桓子曾正卿。季平子之子斯也。國語解

六月季平子行東野。還未至。丙申卒于房。既葬。桓子行東野。及費子洩為費宰。逆勞于郊。桓子敬之。勞仲梁懷。仲梁懷弗敬。子洩怒。謂陽虎子行之乎。九月乙亥。陽虎囚季桓子。而逐仲梁懷。十月己丑。盟桓子於稷門之內。

左傳

定公六年季孫斯仲孫何忌如晉

春秋

夏季桓子如晉獻鄭俘也

左傳

八年季孫斯仲孫何忌帥師侵衛

春秋

盜竊寶玉大弓

同上

十二年季孫斯仲孫何忌帥師墮費

同上

哀公二年季孫斯叔孫州仇仲孫何忌帥師伐邾

同上

三年季孫斯叔孫州仇城啓陽

同上

秋七月丙子季孫斯卒

同上

四書人名考

卷之六

三

季孫有疾命正常曰無死南孺子之子男也則以告而

立之女也則肥也可季孫卒康子即位既葬康子在朝

南氏生男正常載以如朝告曰夫子有遺言命其國臣

曰南氏生男則以告於君與大夫而立之今生矣男也

敢告遂奔衛康子請退公使共劉視之則或殺之矣乃

討之召正常正常不反

左傳

季康子魯正卿季悼子曾孫桓子之子季孫肥也

國語解

悼子紇生平子意如意如生桓子斯斯生康子肥

世本

哀公八年齊人取謹及闞

春秋

齊悼公之來也。季康子以其妹妻之。卽位而逆之。季鮒侯通焉。女言其情弗敢與也。齊侯怒。夏五月。齊鮑牧帥師伐我。取讎及闡。秋及齊平。齊閭邱明來涖盟。且逆季姬以歸。嬖冬十二月。齊人歸讎及闡季姬嬖故也。左傳

二十三年春宋景曹卒。同上

景曹宋元公夫人小邾女季桓子外祖母。春秋經傳臧解

季康子使冉有弔且送葬。曰。敝邑有社稷之事。使肥與有職。競焉。是以不得助。執紼使求從。與人曰。以肥之得

四書人名考卷之六

五

備彌甥也。有不腆先人之產馬。使求薦諸夫人之宰。其可以稱旌繁乎。左傳

二十七年夏四月己亥。季康子卒。同上

公弔焉降禮。同上

子然季氏子。論語注

孟獻子

孟莊子 孟公綽

孟懿子

武伯

孟敬子

孟獻子仲慶父之曾孫公孫敖之孫孟文伯穀之子仲孫
蔑也。國語解一

慶父生穆伯敖。敖生文伯穀。穀生獻子蔑。世本

穆伯娶於呂曰戴已。生文伯。其娣聲已。生惠叔。左傳

王使內史叔服來會葬。公孫敖聞其能相人也。見其二

子焉。叔服曰：穀也，食子難也；收子，穀也，豐下必有後於

魯國。同上

戴已卒，又聘於莒，莒人以聲已辭，則為襄仲聘焉。及鄆

四書人名考卷之六

二十六

陵登城見之美，自為娶之。仲請攻之，公止之。叔仲惠伯

成之，使仲舍之。公孫敖反之。同上

穆伯之從已氏也。魯人立文伯。穆伯生二子於莒，而求

復，復而不出三年，而盡室以復。適莒，文伯疾而請曰：穀

之子弱，請立難也。文伯卒，立惠叔。穆伯重賂以求復，卒

於齊。請葬，弗許。惠叔猶毀以為請，許之，取而殯之。同上

孟獻子禫，縣而不樂，比御而不入。夫子曰：獻子加於人

一等矣。禮記檀弓上

宣公九年夏，仲孫蔑如京師。春秋

孟獻子聘於周王以爲有禮厚賄之左傳

十五年春公孫歸父會楚子於宋春秋

孟獻子言於公曰臣聞小國之免於大國也聘而獻物於是有庭實旅百朝而獻功於是有容貌采章嘉淑而有加貨謀其不免也誅而薦賄則無及也今楚在宋君其圖之公說左傳

仲孫蔑會齊高固于無婁春秋

成公五年仲孫蔑如宋同上

報華元也左傳

四書人名考卷之六

六年仲孫蔑叔孫僑如帥師侵宋春秋

晉命也左傳

十三年晉侯使卻鐘來乞師春秋

將事不敬孟獻子曰卻氏其亡乎禮身之幹也敬身之基也卻子無基且先君之嗣卿也受命以求師將社稷是衛而情棄君命也不亡何爲左傳

三月公如京師春秋

宣伯欲賜請先使王以行人之禮禮焉孟獻子從王以爲介而重賄之左傳

十八年仲孫蔑會晉侯宋公衛侯邾子齊崔杼同盟于虛

訂春秋

謀救宋也。孟獻子請于諸侯而先歸會葬。左傳

襄公元年仲孫蔑會晉欒壓宋華元衛甯殖曹人莒人邾

人滕人薛人圍宋彭城。春秋

仲孫蔑會齊崔杼曹人邾人杞人次于郟。同上

二年仲孫蔑會晉荀偃宋華元衛孫林父曹人邾人于戚

同上

會于戚謀鄭故也。孟獻子曰請城虎牢以偪鄭。知武子

四書人名考卷之六

三九

曰善。郟之會。吾子聞崔子之言。今不來矣。滕薛小邾之

不至。皆齊故也。寡君之憂。不唯鄭。偃將復於寡君而請

於齊。得請而告吾子之功也。若不得請。事將在齊。吾子

之請。諸侯之福也。豈惟寡君賴之。左傳

三年公及晉侯盟于長樗。春秋

孟獻子相。公稽首。知武子曰。天子在而君辱稽首。寡君

懼矣。孟獻子曰。以敝邑介在東表。密邇仇讐。寡君將君

是望。敢不稽首。左傳

四年公如晉。春秋

公如晉聽政。晉侯享公。公請屬郟。晉侯不許。孟獻子曰：「以寡君之密邇於仇讐，而願固事君，無失官命，郟無賦於司馬，爲執事朝夕之命，敝邑敝邑褊小，闕而爲罪，寡君是以願借助焉。」晉侯許之。左傳

五年仲孫蔑、孫林父會吳于善道。春秋

七年夏四月三卜郊，不從，乃免牲。同上

孟獻子曰：「吾乃今而後知有卜筮。」夫郊祀，后稷以祈農事也。是故啓蟄而郊，郊而後耕。今既耕而卜郊，宜其不從也。左傳

四書人名考卷之六

五

孟獻子曰：「正日，日之至，可以有事於上帝。七月，日之至，可以有事於祖。七月而禘，獻子爲之也。」禮記雜記下

十年，遂滅偃陽。春秋

孟氏之臣秦董父，輦重如役。偃陽人啓門，諸侯之士門焉。縣門發，邾人紇抉之，以出門者。狄箎彌建大車之輪，而蒙之以甲，以爲擗。左執之，右拔戟，以成一隊。孟獻子曰：「詩所謂有力如虎者也。」主人縣布，董父登之，及堞而絕之。隊則又縣之。蘇而復上者三，主人辭焉，乃退。帶其斷以徇於軍。三曰：「師歸，孟獻子以秦董父爲右，生秦不。」

茲事仲尼

左傳

秋七月楚子囊鄭子耳伐我西鄙。九月子耳侵宋北鄙。

孟獻子曰：鄭其有災乎？師競已甚，周猶不堪，況鄭乎？有

災，其執政之三士乎？同上

十三年公至自晉

春秋

孟獻子書勞於廟禮也。左傳

十五年宋公使向戌來聘

春秋

宋向戌來聘，且尋盟。見孟獻子，尤其室，曰：子有令聞而美其室，非所望也。對曰：我在晉，吾兄為之，毀之重勞，且

四書人名考卷之六

三

不敢問

左傳

十九年八月丙辰仲孫蔑卒

春秋

孟獻子之喪，司徒旅歸四布。夫子曰：可也。禮記檀弓上

孟獻子有鬪臣五人

國語

獻子聘于晉，韓宣子觴之，三徙鐘石之懸，不移而具。獻

子曰：富哉家！宣子曰：子之家與我孰富？獻子曰：吾甚貧，

唯有二士曰顏回、茲無靈，使吾邦家安平，百姓協和。獻

子出，宣子曰：彼君子也，以養賢為富。我鄙人也，以鐘石

金玉為富

新序

孟莊子魯大夫仲孫速也。論語解

孟獻子之子莊子速也。春秋經傳

襄公十六年齊侯伐我北鄙圍成。春秋

孟孺子速微之齊侯曰是好勇去之以為之名速遂塞

海陘而還。左傳

十八年與晉伐齊。史記十二諸侯年表

趙武韓起以上軍圍廬弗克十二月及秦周伐雍門之

款范鞅門于雍門其御追喜以戈殺大于門中孟莊子

斬其櫛以為公琴。左傳

四書人名考卷之六

二十年正月仲孫速會莒人盟于向。春秋

及莒平督揚之盟故也。左傳

仲孫速帥師伐邾。春秋

邾人驟至以諸侯之事弗能報也秋孟莊子伐邾以報

之。左傳

二十三年八月仲孫速卒。春秋

孟孫惡臧孫季孫愛之孟氏之御驪豐點好羯也曰從

余言必為孟孫再三云羯從之孟莊子疾豐點謂公鉏

苟立羯請讎臧氏公鉏謂季孫曰孺子秩固其所也若

羯立。則季氏信有力於臧氏矣。弗應。巳卯。孟孫卒。公鉏奉羯立於戶側。季孫至。入哭而出。曰。秩焉在。公鉏曰。羯在此矣。季孫曰。孺子長。公鉏曰。何長之有。唯其才也。且夫子之命也。遂立羯秩奔邾。左傳

孟公綽。魯大夫。春秋經傳集解

襄公二十五年春。齊崔杼帥師伐我北鄙。以報孝伯之師也。公患之。使告于晉。孟公綽曰。崔子將有大志。不在病我。必速歸。何患焉。其來也不寇。使民不嚴。異於他日。齊師徒歸。左傳

四書人名考 卷之六

孟懿子。魯大夫仲孫何忌。古論語訓

孟僖子。會邾莊公盟于稷祥。泉邱人有女夢。以其帷幕孟氏之廟。遂奔僖子。其僚從之。盟于清邱之社。曰。有子無相棄也。僖子使助。遺氏之造。反自稷祥。宿于遺氏。生懿子及南宮敬叔於泉邱。人其僚無子。使守敬叔。左傳公如楚。鄭伯勞于師之梁。孟僖子爲介。不能相儀。及楚不能答郊勞。公至自楚。孟僖子病。不能相禮。乃講學之。苟能禮者從之。及其將死也。召其大夫曰。禮人之幹也。無禮無以立。吾聞將有達者。曰孔邱。聖人之後也。而滅

於宋。其祖弗父。何以有宋。而授厲公。及正考父。佐戴武宣。三命滋益。共故其鼎銘云。一命而僂。再命而偃。三命而俯。循牆而走。亦莫余敢侮。餽於是。鬻於是。以餬余口。其共也如是。臧孫紇有言曰。聖人有明德者。若不當世。其後必有達人。今其將在孔丘乎。我若獲沒。必屬說與何忌於夫子。使事之。而學禮焉。以定其位。故孟懿子與南宮敬叔師事仲尼。仲尼曰。能補過者君子也。詩曰。君子是則是效。孟僖子可則效已矣。同上

昭公二十七年。孟懿子陽虎伐鄆。同上

四書人名考卷之六

定公元年。孟懿子會城成周。同上

三年冬。仲孫何忌及邾子盟于拔。春秋

六年夏。季孫斯仲孫何忌如晉。同上

冬。季孫斯仲孫何忌帥師圍鄆。同上

八年。季孫斯仲孫何忌帥師侵衛。同上

十年。叔孫州仇仲孫何忌帥師圍郕。同上

十二年。季孫斯仲孫何忌帥師墮費。同上

哀公元年。仲孫何忌伐邾。同上

二年。季孫斯叔孫州仇仲孫何忌帥師伐邾。取鄆。東田及

沂西田 同上

叔孫州仇仲孫何忌及邾子盟于句繹 同上

三年叔孫州仇仲孫何忌帥師圍邾 同上

六年仲孫何忌帥師伐邾 同上

十四年仲孫何忌卒 同上

孟武伯懿子之子仲孫撝也 論語解

初孟孺子洩將圍馬於成。成宰公孫宿不受。曰孟孫為

成之病不圍馬焉。孺子怒，襲成。從者不得入，乃反。成有

司使孺子鞭之。秋八月辛丑，孟懿子卒。成人奔喪，弗內。

四書人名考 卷之六

三四

袒免哭于衢，聽共弗許，懼不歸。十五年春，成叛于齊。武

伯伐成，不克，遂城輪 左傳

哀公十七年公會齊侯盟于蒙 同上

孟武伯相齊侯稽首公拜。齊人怒。武伯曰：非天子寡君

無所稽首。武伯問於高柴曰：諸侯盟，誰執牛耳？季羔曰：

鄒衍之役，吳公子姑曹發陽之役，衛石魋。武伯曰：然則

疑也 同上

二十六年公至自越，孟武伯逆于五梧 同上

二十七年公遊于陵阪，遇孟武伯于孟氏之衢 同上

孟敬子武伯之子名捷

禮記注

悼公之喪。季昭子問於孟敬子曰。爲君何食。敬子曰。食
粥。天下之達禮也。吾三臣者之不能居公室也。四方莫
不聞矣。勉而爲瘠。則吾能。毋乃使人疑夫不以情居瘠
者乎哉。我則食食。禮記禮記注

四書人名考

卷之六

三五

一下莊子

下魯邑莊子下邑大夫

注子注

史記陳軫傳下莊子戰國策作管莊子索隱引戰國策

作館莊子

困學紀聞

齊人欲伐魯息下莊子不敢過下

荀子大畧篇

莊子欲刺虎館豎子止之曰兩虎方且食牛食甘必爭爭則必鬥鬥則大者傷小則死從傷而刺之一舉必有雙虎之名下莊子以為然立須之有頃兩虎果鬥大者傷小者死莊子從傷者而刺之一舉果有雙虎之功

史

四書人各考卷之六

記陳軫傳

卷之六

三六

下莊子好勇毋無恙時三戰而三北交游非之國君辱之下莊子受命顏色不變及母死三年魯興師下莊子請從見於將軍曰前猶與母處是以戰而北也今母沒矣請塞責遂走敵而鬥獲甲首而獻之請以此塞一北又獲甲首而獻之曰請以此塞再北將軍止之曰足又獲甲首而獻之曰請以此塞三北將軍止之曰請為兄弟下莊子曰夫北以養母也今母沒矣吾責塞矣吾聞之節士不以辱生遂奔敵殺七十人而死

韓詩外傳

陽貨 公山弗擾

陽貨陽虎也為季氏家臣 古論語訓

名虎字貨 論語正義

昭公二十七年孟懿子陽虎伐郕 左傳

定公五年陽虎執季桓子與盟釋之 史記十二諸侯年表

六月季平子行東野還未至丙申卒於房陽虎將以璵

璠斂仲梁懷弗與曰改步改玉陽虎欲逐之告公山不

狃不狃曰彼為君也子何怨焉既葬桓子行東野及費

子洩為費宰逆勞於郊桓子敬之勞仲梁懷仲梁懷弗

四書人名考 卷之六

三七

敬子洩怒謂陽虎子行之乎乙亥陽虎囚季桓子及公

父文伯而逐仲梁懷冬十月丁亥殺公何藐已丑盟桓

子於稷門之內庚寅大誣逐公父歾及秦邁皆奔齊 左傳

不狃季氏臣費宰子洩也 春秋經傳集解

弗擾即公山不狃也 論語正義

六年二月公侵鄭 春秋

公侵鄭取匡為晉討鄭之伐胥靡也往不假道於衛及
還陽虎使季孟自南門入出自東門舍于豚澤衛侯怒

使彌子瑕追之。公叔文子老矣。輦而如公。曰：「尤人而效之，非禮也。」昭公之難，君將以文之舒，鼎成之昭，兆定之鑿。鑿，苟可以納之擇，用一焉。公子與二三臣之子，諸侯苟憂之，將以爲之質。此羣臣之所聞也。今將以小忿蒙舊德，無乃不可乎？太叔之子，唯周公康叔爲相睦也，而效小人以棄之，不亦誣乎？天將多陽虎之罪，以斃之。君姑待之，若何？乃止。左傳

季孫斯仲孫何忌如晉。春秋

季桓子如晉獻鄭俘也。陽虎強使孟懿子往報夫人之

四書人名考卷之六

幣。晉人兼享之。孟孫立于房外，謂范獻子曰：「陽虎若不能居魯，而息肩于晉，所不以爲中軍司馬者，有如先君。」獻子曰：「寡君有官，將使其人，鞅何知焉？」獻子謂簡子曰：「魯人患陽虎矣。孟孫知其弊，以爲必適晉，故強爲之請，以取入焉。」陽虎又盟公及三桓於周社，盟國人於臺社，詛于五父之衢。左傳

七年春，齊人歸鄆。陽闔陽虎居之，以爲政。同上

齊國夏伐我西鄙。春秋

齊國夏伐我陽虎御季桓子。公斂處文制孟懿子將齊

軍齊師。齊師聞之。墮伏而待之。處父曰：虎不圖禍而必死，苦夷曰：虎陷二子於難，不待有司，余必殺女。虎懼，乃還，不敗。左傳

八年二月，公侵齊。春秋

公侵齊，攻廩丘之郛。主人焚衝，或濡馬褐以救之。遂毀之。主人出師奔陽虎，偽不見冉猛者，曰：猛在此必敗，猛逐之，顧而無繼，偽顛。虎曰：盡客氣也。左傳

陽虎欲代三桓，三桓攻陽虎，虎奔陽關。史記十二諸侯年表

四書人名考卷之六

五

季寤公鉏極，公山不狃皆不得志於季氏。叔孫輒無寵於叔孫氏，叔仲志不得志於魯，故五人因陽虎。陽虎欲去三桓，以季寤更季氏，以叔孫輒更叔孫氏，已更孟氏。冬十月，順祀先公而祈焉。辛卯，禘于僖公。壬辰，將享季氏于蒲圃而殺之。戒都車曰：癸巳至。成宰公斂處，處告孟孫曰：季氏戒都車何故？孟孫曰：吾弗聞。處父曰：然則亂也。必及於子。先備諸。與孟孫以壬辰為期。陽虎前驅。林楚御桓子。虞人以鉞盾夾之。陽越殿。將如蒲圃。桓子詐謂林楚曰：而先皆季氏之良也。爾以是繼之。對曰：臣

聞命後陽虎爲政魯國服焉。違之徵死。死無益於主。桓子曰。何後之有。而能以我適孟氏乎。對曰。不敢愛死。懼不免主。桓子曰。往也。孟氏選圉人之壯者三百人。以爲公期築室於門外。林楚怒馬及衝而奔。陽越射之不中。築者闔門。有自門間射陽越。殺之。陽虎刳公與武叔。以伐孟氏。公斂處。交帥成人。自上東門入。與陽氏戰于南門之內。弗勝。又戰于棘下。陽氏敗。陽虎說甲如公宮。取寶玉大弓以出。舍于五父之衢。寢而爲食。其徒曰。追其將至虎。曰。魯人聞余出。喜於徵死。何暇追余。從者曰。嘻。

四書人名考

卷之六

聖

速駕。公斂陽在。公斂陽請追之。孟孫弗許。陽欲殺桓子。孟孫懼而歸之。子言辨舍爵於季氏之廟而出。陽虎人于謹陽關以叛。左傳

陽虎者季氏之宰也。陽虎專季氏。季氏專魯國。陽虎拘季孫。孟氏與叔孫氏迭而食之。賊而鋟其板曰。某月某日。將殺我於蒲圃。力能救我。則於是。至乎日。若時而出。臨南者陽虎之出也。御之於其乘焉。季孫謂臨南曰。以季氏之世。世有子。子可以不免我死乎。臨南曰。有力不足。臣何敢不勉。陽越者陽虎之從弟也。爲右諸陽之從。

者車數十乘及乎孟衢。臨南投策而墜之。陽越下取策。臨南駮馬而出乎孟氏。陽虎從而射之。矢著於莊門。然而甲起於琴如。弑不成。却反舍于郊。皆脫然息。或曰弑千乘之主而不克。舍此可乎。陽虎曰。夫孺子得國而已。如丈夫何。賊而曰彼哉。彼哉。趣駕。既駕。公斂處父帥師而至。慳然後得免。自是走之。晉寶者何。璋判白。弓繡質。龜青純。公羊傳

九年伐陽虎。虎奔齊。

史記十二諸侯年表

六月伐陽關。陽虎使莢萊門師驚犯之。而出奔齊。請師。

四書人名考卷之六

四十一

以伐魯。曰三加必取之。齊侯將許之。鮑文子諫曰。臣嘗為隸於施氏矣。魯未可取也。上下猶和。衆庶猶睦。能事大國而無天菑。若之何取之。陽虎欲勤齊師也。齊師罷。大臣必多死亡。已於是乎奮其詐謀。夫陽虎有寵於季氏。而將殺季孫。以不利魯國。而求容焉。親富不親仁。君焉用之。君富於季氏。而大於魯國。茲陽虎所欲傾覆也。魯免其疾。而君又收之。母乃害乎。齊侯執陽虎。將東之。陽虎願東。乃囚諸西鄙。盡借邑人之車。鍤其軸。麻約而歸之。載葱靈。寢於其中。而逃。追而得之。囚於齊。又以葱

靈逃奔宋。遂奔晉。適趙氏。仲尼曰：趙氏其世有亂乎。左傳

陽貨逐于魯，疑于齊，走而之趙。趙簡主迎而相之。左右曰：虎善竊人國政，何故相也？簡主曰：陽貨務取之，我務守之，遂執術而御之。陽貨不敢為非，以善事簡主，與主之強，幾至於霸也。韓非子

十二年季孫斯仲孫何忌帥師墮費。春秋

季氏將墮費，公山不狃、叔孫輒帥費人以襲魯。公與三子入于季氏之宮，登武子之臺。費人攻之，弗克，入及公。

四書人名考卷之六

四十五

側仲尼命申句須、樂頎下伐之。費人北，國人追之，敗之。

姑蔑二子奔齊。左傳

叔孫輒與公山不狃兵敗，奔于齊。後自齊奔吳。春秋經

傳集解

哀公二年，趙簡子與陽虎送衛太子蒯聩于衛，衛不內，居

戚。史記趙世家

六月，晉趙鞅納衛太子于戚。宵迷，陽虎曰：右河而南，必至焉。使太子統八人，衰經偽自衛逆者，告於門，哭而入，遂居之。左傳

八月齊人輸范氏粟。鄭子姚子般送之。士吉射逆之。趙鞅禦之。遇于齊。陽虎曰：吾車少，以兵車之旆與罕駟兵車先陳，罕駟自後隨而從之。彼見吾貌，必有懼心。於是乎會之，必大敗之。從之。同上

八年吳伐我。春秋

吳為邾故將伐魯。問於叔孫輒。叔孫輒對曰：魯有名而無情，伐之必得志焉。退而告公。山不狃、公山不狃曰：非禮也。君子違不適讎國，未臣而有伐之，奔命焉。死之可也。所託也則隱，且夫人之行也，不以所惡廢鄉。今子以

四書人名考卷之六

四三

小惡而欲覆宗國，不亦難乎？若使子率，子必辭。王將使我子張病之。王問於子洩，對曰：魯雖無與立，必有與。諸侯將救之，未可以得志焉。晉與齊楚輔之，是四讎也。夫魯齊晉之唇，唇亡齒寒。君所知也，不救何為？三月，吳伐我子洩率，故道險從武城。左傳

九年宋公伐鄭。春秋

晉趙鞅卜救鄭，遇水適火。陽虎以周易筮之，遇泰之需。曰：宋方吉，不可與也。微子啟，帝乙之元子也。宋鄭，甥舅也。社祿也。若帝乙之元子歸妹而有吉祿焉，我安得吉。

一焉乃止。左傳

四書人名考

卷之六



四函

叔孫武叔

武叔公子牙之六世孫各州仇禮記注

桓公生僖叔牙牙生戴伯茲茲生莊叔得臣臣生穆叔

豹豹生昭子媯媯生成子不敢敢生武叔州仇世本

初叔孫成子欲立武叔公若藐固諫曰不可成子立之

而卒公南使賊射之不能殺公南為馬正使公若為郕

宰武叔既定使郕馬正侯犯殺公若其圉人曰吾以劍

過朝公若必曰誰之劍也吾稱子以告必觀之吾僞固

而授之末則可殺也使如之公若曰爾欲吳王我乎遂

四書人名考卷之六

四五

殺公若左傳

定公十年叔孫州仇仲孫何忌帥師圍郕春秋

侯犯以郕叛武叔懿子圍郕弗克秋二子及齊師復圍

郕弗克叔孫謂郕工師駟赤曰郕非惟叔孫氏之憂社

稷之患也將若之何對曰臣之業在揚水卒章之四言

矣叔孫稽首駟赤謂侯犯曰居齊魯之際而無事必不

可矣子盍求事於齊以臨民不然將叛侯犯從之齊使

至駟赤與郕人為之宣言於郕中曰侯犯將以郕易於

齊齊人將遷郕民眾兇懼駟赤謂侯犯曰眾言異矣子

不如易於齊與其死也。猶是郈也。而得紆焉。何必此。齊人欲以此偪魯。必倍與于地。且盍多舍甲於子之門。以備不虞。侯犯曰諾。乃多舍甲焉。侯犯請易於齊。齊有司觀郈將至。駟赤使周走呼曰。齊師至矣。郈人大駭。介侯犯之門甲。以圍侯犯。駟赤將射之。侯犯止之曰。謀免我。侯犯請行。許之。駟赤先如宿。侯犯殿。每出一門。郈人閉之。及郭門止之。曰。子以叔孫氏之甲出。有司若誅之。羣臣懼死。駟赤曰。叔孫氏之甲有物。吾未敢以出。犯謂駟赤曰。子止而與之數。駟赤止而納魯人。侯犯奔齊。齊人

四書人名考 卷之六

四十六

乃致郈

左傳

武叔聘于齊。齊侯享之。曰。子叔孫若使郈在君之他境。寡人何知焉。屬與敝邑。際故敢助君憂之。對曰。非寡君之望也。所以事君。封疆社稷。是以敢以家隸勤君之執事。夫不令之臣。天下之所惡也。君豈以為寡君賜。

同上

十二年叔孫州仇帥師墮郈

春秋

哀公二年季孫斯叔孫州仇仲孫何忌帥師伐邾取濶東

田及沂西田

同上

叔孫州仇仲孫何忌及邾子盟于句瀝

同上

三年李孫斯叔孫州仇帥師城啓陽同上

叔孫州仇仲孫何忌帥師圍邾同上

十一年公會吳伐齊同上

將戰吳子呼叔孫曰而事何也對曰從司馬玉賜之甲
劍鉞白奉爾君事敬無廢命叔孫未能對衛賜進曰州
仇奉甲從君而拜左傳

四書人名考卷之六

子服景伯

子服景伯魯大夫子服惠伯之孫昭伯之子子服何也。國語解

子服伯子蓋仲孫蔑之元孫子服景伯。禮記注

獻子蔑生孝伯孝伯生惠伯惠伯生昭伯昭伯生景伯。世本

哀公七年夏公會吳于郟。春秋

吳來徵百牢子服景伯對曰先王未之有也。吳人曰宋百牢我魯不可以後宋。且魯宰晉大夫過十。吳王百牢。

四書人名考卷之六

聖天

不亦可乎。景伯曰晉范鞅貪而棄禮。以大國懼敝邑。故敝邑十一牢之。君若以禮命於諸侯。則有數矣。若亦棄禮。則有淫者矣。周之王也。制禮上物。不過十二。以為天之犬數也。今棄周禮。而曰必百牢。亦唯執事。吳人弗聽。景伯曰吳將亡矣。棄天而背本不與。必棄疾於我。乃與之。太宰嚭召季康子。康子使子貢辭。太宰嚭曰國君道長而大夫不出門。此何禮也。對曰豈以為禮畏大國也。大國不以禮命於諸侯。苟不以禮。豈可量也。寡君既共命焉。其老豈敢棄其國。大伯端委以治周禮。仲雍嗣之。

斷髮文身。羸以爲飾。豈禮也哉。有由然也。反自鄩。以吳爲無能爲也。左傳

秋公伐邾 春秋

季康子欲伐邾。乃饗諸大夫以謀之。子服景伯曰。小所以事大信也。大所以保小仁也。昔大國不信。伐小國不仁。民保於城。城保於德。失二德者。危將焉保。孟孫曰。三子以爲何如。惡賢而逆之。對曰。禹合諸侯於塗山。執玉帛者萬國。今其存者無數十焉。唯大不字。小小不事大也。知必危。何故不言。魯德如邾。而以衆加之。可乎。不

四書人名考 卷之六

聖九

樂而出。秋伐邾。左傳

八年齊閔邱明來蒞盟。同上

齊閔邱來盟。子服景伯戒宰人曰。陷而入於恭。閔馬父笑。景伯問之。對曰。笑吾子之犬滿也。昔正考父校商之名。頌十二篇於周太師。以那爲首。其輯之亂曰。自古在昔。先民有作。溫恭朝夕。執事有恪。先聖王之傳恭。猶不敢專稱。曰。自古古者在。昔。昔曰。先民。今吾子之戒吏人曰。陷而入於恭。其滿之甚也。周恭王能庇昭穆之闕。而爲恭。楚恭王能知其過。而爲恭。今吾子之教官寮曰。陷

而後恭道將何爲

國語

十三年公會晉侯及吳子于黃池

春秋

吳人將以公見晉侯。子服景伯對使者曰。王合諸侯。則伯帥侯牧以見於王。伯合諸侯。則侯帥子男以見於伯。自王以下。朝聘玉帛不同。故敝邑之職貢於吳。有豐於晉。無不及焉。以爲伯也。今諸侯會。而君將以寡君見晉君。則晉成爲伯矣。敝邑將改職貢。魯賦於吳。八百乘。若爲子男。則將半邾。以屬於吳。而如邾以事晉。且執事以伯召諸侯。而以侯終之。何利之有焉。吳人乃止。旣而悔之。將囚景伯。景伯曰。何也。立後於魯矣。將以二乘與六人從。遲速唯命。遂囚以還。及戶牖。謂太宰曰。曾將以十月上辛。有事於上帝。先王季辛而畢。何世有職焉。自襄以來。未之改也。若不會。祝宗將曰。吳實然。且謂魯不共。而執其賤者七人。何損焉。太宰語言於王曰。無損於魯。而祇爲名。不如歸之。乃歸景伯。

左傳

四書人名考

卷之六

五

公輸子

公輸魯巧人名班。荀子注

或以為魯昭公子。孟子注

公輸若。匠師般若之族。禮記注

季康子之母死。公輸若方小。斂般請以機封。將從之。公肩假曰：不可。夫魯有初。公室視豐碑。三家視桓楹。般爾以人之母嘗巧。則豈不得以其母以嘗巧者乎。則病者乎。噫。弗果從。禮記檀弓上

公輸子削竹木以為鶻。成而飛之。三日不下。公輸子自

四書人名考 卷之六

五十一

以為至巧。子墨子謂公輸子曰：子之為鶻也。不如翟之為車轄。須臾劉三寸之木。而任五十石之重。墨子魯問篇

公輸般為高雲梯。欲以攻宋。墨子聞之。自魯往。裂裳裹足。日夜不休。十日十夜。而至於郢。見荆王曰：臣北方之鄙人也。聞大王將攻宋。信有之乎。王曰：然。墨子曰：必得宋乃攻之乎。亡其不得宋。且不義。猶攻之乎。王曰：必不得宋。且不義。則曷為攻之。墨子曰：甚善。臣以宋必不可得。王曰：公輸般。天下之巧工也。已為攻宋之械矣。墨子

曰請令公輸般試攻之臣請試守之於是公輸般設攻
宋之械墨子設守宋之備公輸般九攻之墨子九却之
不能入故荆轲不攻宋

呂氏春秋愛類篇

四書人名考

卷之六

子叔疑

子叔氏姬姓魯文公之子公子叔肸之子子叔聲伯之後

為子叔氏通志氏族畧

肸文公子惠伯也春秋經傳集解

宣公十七年冬公弟叔肸卒公母弟也凡太子之母弟

公在曰公子不在曰弟凡稱弟皆母弟也春秋左氏傳

其曰公弟叔肸賢之也其賢之何也宣弑而非之也非

之則胡為不去也曰兄弟也何去而之與之財則曰我

足矣織屨而食終身不食宣公之食君子以是為通恩

西書人名考 卷之六

也以取貴乎春秋穀梁傳

肸之子公孫嬰齊嬰齊之子叔老叔老之子叔弓叔弓

之子叔輒叔鞅輒之子叔詣叔弓之曾孫叔還春秋經

傳集解

公儀子

公儀子名休為魯相。孟子集註

公儀蓋魯同姓。禮記注

以春秋有公鳥公石公儀同稱公故知同姓也。禮記正義

公儀休者魯博士也。以高弟為魯相。奉法循理無所變更。百官自正。使食祿者不得與下民爭利。受大者不得取小。客有遺相魚者。相不受。客曰。聞君嗜魚。遺君魚。何故不受也。相曰。以嗜魚故不受也。今為相能自給魚。今受魚而免。

四書人名考卷之六

李四

誰復給我魚者。吾故不受也。食茹而美。拔其園葵而棄之。見其家織布好而疾出其家婦燔其機。云欲令農士工女安所儆其貨乎。史記循吏列傳

公儀休相魯而嗜魚。一國人獻魚而不受。其弟諫曰。嗜魚不受何也。曰。夫欲嗜魚故不受也。受魚而免於相。則不能自給魚。無受而不免於相。長自給於魚。此明於為已者也。韓詩外傳

公儀子相魯之其家。見織帛而怒。出其妻。食於舍而茹葵。慍而拔其葵。曰。吾已食祿。又奪園夫紅女利乎。漢書

董仲舒傳



四書入學

五十五

